

證治準繩

十二

六冊大小腑門

泄瀉滯下總論
大小便不通
閉癥遺尿總論

泄瀉滯下
大便不通
小便不通

淋

即痢疾

漢書門			
一	二	九	
一	〇	八	二
冊	架	函	號

內閣文庫			
三	〇	九	七
函	冊	架	號


內閣文庫	
番號	漢 12971
冊數	100 (12)
函號	301 60





護治準繩第六冊目錄

大小腑門



泄瀉滯下總論

泄瀉

滯下 即痢疾

大小便不通

大便不通

閉癆遺尿總論

小便不通

淋 胞痺

小便數


夢遺

小便黃赤

赤白濁

準繩

代熱臭熱令熱寒 熱熱 熱熱 熱熱



前陰諸疾

陰縮 陰縱 陰痿 陰汗 臊臭 陰冷 陰痒

陰腫 瘡

疝

交腸

腸鳴

脫肛

穀道痒痛

痔

證治準繩第六冊

金壇王肯堂輯

泄瀉滯下總論

泄瀉之證水穀或化或不化並無努責惟覺困倦若滯下則不然或膿或血或膿血相雜或腸垢或無糟粕或糟粕相雜雖有痛不痛之異然皆裡急後重逼迫惱人

潔古論曰藏府瀉利其證多種大抵從風濕熱論之是知寒少熱多實則不能久也故曰暴泄

非陰久泄非陽論云春宜緩形形緩動則肝木
乃榮反靜密則是行秋令金能制木風氣內藏
夏至則火盛而金去獨火木旺而脾土損矣輕
則餐泄身熱脈洪穀不能化重則下利膿血稠
粘裏急後重故曰諸泄稠粘皆屬於火經曰溲
而便膿血知氣行而血止也宜大黃湯下之是
為重劑黃芩芍藥湯是為輕劑是實則泄其子
木能自虛而脾土實矣故經曰春傷於風夏為
餐泄此逆四時之氣人所自為也此一節即熱泄
所謂滯下也

有自太陰脾經受濕而為水泄虛滑身重微滿
不知穀味假令春宜益黃散補之夏宜泄之法
云宜補宜泄宜和宜止和則芍藥湯止則訶子
湯久則防變而為膿血是脾經傳受於腎謂之
賊邪故難愈也若先利而後滑謂之微邪故易
安也此皆脾土受濕天之所為也雖聖智不能
逃口食味鼻食氣從鼻而入蓄積於脾而為水
泄也此一節即濕泄
所謂泄瀉也有厥陰經動下利不止其脈
沉而遲手足厥逆膿血稠粘此為難治宜麻黃

世醫雜錄卷之六

湯小續命湯汗之法云謂有表邪縮於內當散
表邪而自愈此謂風泄也有暴下無聲身冷自
汗小便清利大便不禁氣難布息脉微嘔吐急
以重藥温之漿水散是也此謂寒泄也故法曰
後重者宜下腹痛者宜和身重者宜除濕脉弦
者去風膿血稠粘者以重藥竭之身冷自汗者
以毒藥温之風邪內縮者宜汗之則愈鶩溇爲
利宜温之而已又曰在表者發之在裏者下之
在上者湧之在下者竭之身表熱者內疎之小

便溲者分利之又曰盛者和之去者送之過者
止之兵法曰避其來銳擊其惰歸此之謂也
凡病泄而惡寒太陰傳少陰爲土來越水也用
除濕白朮茯苓安解芍藥桂枝黃連破血火邪
不能勝木太陰經不能傳少陰而反助火邪上
乘肺經而痢必白膿也加當歸芍藥之類是已
又裏急後重脉大而洪實爲裏實證而痛甚
是有物結墜也宜下之若脉浮大慎不可下
雖裏急後重脉沉細而弱者謂寒邪在內而氣

世醫心法卷六

三

散也可溫養而自安。裏急後重閉者大腸氣
不宣通也。宜加檳榔木香宣通其氣。若四肢慵
倦小便少或不利大便走沉困飲食減少宜調
胃去濕。白朮芍藥茯苓三味水煎服。白朮除脾
胃之濕。芍藥除胃之濕熱。四肢困倦茯苓能通
水道走濕。如發熱惡寒腹不痛加黃芩為主
如未見膿而惡寒乃太陰欲傳少陰也。加黃連
為主。桂枝佐之。如腹痛甚加當歸倍芍藥。如見
血加黃連為主。桂枝當歸佐之。如煩燥或先

便白膿後血或發熱或惡寒非黃連不能止。上
部血也。如惡寒脉沉先血後便非地榆不能除。
下部血也。如惡寒脉沉或腰痛或臍下痛非黃
芩不能除。中部血也。如便膿血相雜而脉浮大
慎勿以大黃下之。下之必死。謂氣下竭也。而陽
無所收。凡陰陽不和惟以分陰陽之法治之。
又曰暴泄非陰久泄非陽。有熱者脉疾身動聲
亮暴注下迫此陽也。寒者脉沉而細身困鼻息
微者薑附湯主之。身重不舉朮附湯主之。渴

世為醫者不為心論

腋下及臂并兩手掌中振寒熱血壅乾飲多即嘔煩
心悄悄脉盛六七日診如此可汗不汗死

○夾肢癰

或問肩膊下隙内生疽何如曰是名夾肢癰屬手少
陰心經手厥陰心包絡風熱所致宜服內托黃芪柴
胡湯壯實者八陣散一粒金丹下之及紫金丹勝金
丹選用老弱者黃芪木香散人參養榮湯十全大補
湯主之

引飲者是熱在膈上水多入則自胸膈入胃中
胃本無熱因不勝其水胃受水攻故水穀一時
下此證當熯大椎三五壯立已乃督脉瀉也如
用藥使車前子雷丸白朮茯苓之類五苓散亦
可又有寒泄者大腹滿而泄又有驚澹者是
寒泄也驚者鴨也大便如水其中有少結糞者
是也如此者當用天麻附子乾薑之類 又法
曰泄有虛實寒熱虛則無力不及粘衣味便已
泄出謂不能禁固也實則數至圍而不便俗云

虛坐努責是也裏急後重皆依前法進退大承
氣湯主之 太陽病為挾熱痢涼膈散主之
誤下因而下利 不止為被熱利 陽明為痼瘕進退大承氣湯
主之 太陰濕勝濡瀉不可下而可溫四逆湯
主之 少陰鞏風不動禁固可瀉赤石脂丸乾
薑湯主之 厥陰風泄以風治宜水續命湯消
風湯主之 少陽風氣自動大柴胡湯主之
胃泄飲食不化色黃承氣湯 脾泄腹脹滿泄注
食即嘔吐逆建中湯 大腸泄食已窘迫大便

色白腸鳴切痛乾薑附子湯小腸泄瀉而便膿血

少腹痛承氣湯大瘕泄裏急後重數至圜而不

能便莖中痛五泄之病胃小腸大瘕三證皆

以清涼飲子主之其泄自止厥陰證加甘草以

緩之少陰證裏急後重加大黃又有太陰陽明

二證當進退大承氣湯主之太陰證不能食是

也當先補而後泄之乃進藥法也先煎厚朴半

兩製水煎二三服後未已謂有宿食未消又加

枳實二錢同煎二三服泄又未已如稍進食尚

有熱毒又加大黃二錢推過泄止住藥如泄未

已為腸胃有久塵垢滑粘加芒硝半合宿垢去

盡則愈也陽明證能食是也當先泄而後補謂

退藥法也先用大承氣湯五錢水煎服如利過

泄未止去芒硝後稍熱退減大黃一半再煎兩

服如熱氣雖已其人必腹滿又減去大黃與枳

實厚朴湯又煎二三兩服如腹滿退泄亦自愈後

服厚朴湯數服則已按進退承氣法須審之

脈證的知有積熱及形病俱實而後可下此已

世醫心法卷之六

上雖出潔古家珍東垣活法機要而多出於劉
河間保命集之文故其用藥於疎蕩為多觀者
會其意毋泥其辭可矣 東垣云胃氣和平飲
食入胃精氣則輸於脾上歸於肺行於百脉而
養榮衛也若飲食一傷起居不時損其胃氣則
上升精華之氣反下降是為餐泄久則太陰傳
少陰而為腸澼假令傷寒冷飲食臏滿而脹傳
為餐泄者宜溫熱之劑以消導之傷濕熱之物
而成膿血者宜苦寒之劑以肉疎之風邪下降

者升舉之濕氣內盛者分利之裏急者下之
後重者調之腹痛者和之洞泄腸鳴無力不及粘
衣其脉細微而弱者溫之收之膿血稠粘數至
圓而不能便其脉洪大而有方者下之寒之大
抵治病當求其所因察何氣之勝取相剋之藥
平之隨其所利而利之以平為期此治之大法
也 瀉利久不止或暴下者皆太陰受病不可
離甘草芍藥若不受濕則不利故須用白朮是
以聖人立法若四時下利於芍藥白朮內春加

世有世下之心 卷之二 三十一

防風夏加黃芩秋加厚朴冬加桂附然更詳外
證寒熱處之如裏急後重須加大黃如身困倦
須用白朮若自汗逆冷氣息微加桂附以溫之
如或後重膿血稠粘雖在盛冬於溫藥內亦加
大黃

診

胃脉虛則泄

脉滑按之虛絕者其人必

下利

肺脉小甚為泄小者氣血皆虛

腎脉小甚為

洞泄

小者氣血皆少腎主閉藏今氣血虛少無以閉藏故泄

尺寒脉細

謂之後泄

尺膚寒其脉小者泄少氣

下利

脉沉弦者下重 下利寸口反浮數尺中自濇
者必清膿 溲病若腹大而泄者脉當細微而
濇反緊大而滑者死 泄而脉大者難治 病
泄脉洪大是逆也 泄注脉緩時小結者生浮
大數者死 下利脉大為不止 下利日十餘
行脉反實者死 大便赤瓣餐泄脉小者手足
寒難已餐泄脉小手足溫易已 腹鳴而滿四
肢清泄其脉大是逆也如是者不過十五日死
矣 腹大脹四末清脫形泄甚是逆也如是者

不及一時死矣 下利手足厥冷無脈者灸之
不溫若脈不還反微喘者死 下利後脈絕手
足厥冷晬時脈還手足溫者生脈不還者死
病者痿黃燥而不渴胸中寒而利不止者死
假令下利寸口關上尺中悉不見脈然尺中時
一小見脈而舉頭者腎氣也若見損脈來為難
治 下利如魚腦者半死半生 下利如塵腐
色者死 純血者死 如屋漏汁者死 下利
如竹筒注者不可治 脈細皮寒氣少泄利前

後飲食不入此謂五虛不治若用參朮膏草救
之亦有生者 脈下則泄瀉上則吐痰皆不已為
上下俱脫死

手足不仁 下利脈沉弦者下利脈大者為
不止脈微弱以欲自止雖發熱不死 下利
手足厥冷無脈者灸之不溫若脈不還反微喘
者少陰負決陽者難治也 下利有微熱而
脈弱者當自愈 下利脈數有微熱汗出今

不足者脈不逆反脈喘者死
 下利後脈絕于
 足厥冷將身脈絕手足溫者生脈不還者死
 病者反黃燥而不濕胸中寒而利不止者死
 假令下利寸口關上尺中悉不見脈然尺中時
 一可見脈而脈弱者腎氣也谷見損脈來為難
 生不可對過也
 脈弱者半死
 下利如塵屬
 多衣更主者血平俱斯厥走跟也
 寒者不可
 辨者食不入吐謂立盡不食其根寒水瀉將逆

泄瀉

金匱下利病脈證并治
 夫六府氣絕於外者
 手足寒上氣脚縮五藏氣絕於內者利不禁甚
 者手足不仁
 下利脈沉弦者下重脈大者為
 未止脈微弱數為欲自止雖發熱不死
 下利
 手足厥冷無脈者灸之不溫若脈不還反微喘
 者死少陰負跌陽者為順也
 下利有微熱而
 渴脈弱者當自愈
 下利脈數有微熱汗出今
 當自愈設脈緊為未解
 下利脈數而渴者當

自愈設必清膿血以有熱也清者下利脉反
弦發熱身汗者自愈下利氣者當利小便
下利寸脉反浮數尺中自濇者必清膿血下
利清穀不可攻其表汗出必脹滿下利脉沉
而遲其人面少赤身微熱下利清穀者必鬱
冒汗出而解病人必微厥所以然者其面戴陽
下虛故也下利後脉絕手足厥冷晬時脉還
手足溫者生脉不還者死下利腹脹滿身體
疼痛者必溫其裏後攻其表溫裏宜四逆湯攻

表宜桂枝湯下利三部皆平按之心下堅者
急下之宜大承氣湯下利脉遲而滑者實也
利未欲止急下之宜大承氣湯下利脉反滑
者當有所去下乃愈宜大承氣湯下利已瘥
至半月日時復發者以病不盡故也當下之大
承氣湯以上數承氣湯本虛者當別議下利譏語者有燥矢
故也小承氣湯主之下利便膿血者桃花湯
主之熱利下重者白頭翁湯主之下利後
更煩按之心下濡者為虛煩也梔子豉湯主之

下利清穀裏寒外熱汗出而厥者通脈四逆湯主之。下利腹痛紫參湯主之。乾嘔下利黃芩湯主之。右此下利一章後世名醫諸書皆以為法古之所謂下利即今之所謂泄瀉也。內有治傷寒數方仲景用治雜病今全錄之使後人知云治傷寒有法治雜病有方者非也傷寒雜病同一法矣。

丹溪云有濕 有氣虛 火 痰 食積 戴復菴云瀉水腹不痛者濕也飲食入胃輒後之

完穀不化者氣虛也腹痛瀉水腸鳴痛一陣瀉一陣者火也或瀉或不瀉或多或少者痰也腹痛甚而瀉瀉後痛減者食積也并濕多成五泄戴云養泄者水穀不化而完出濕兼風也澹泄者漸下汚積粘垢濕兼熱也鶩泄者所下澄徹清冷小便清白濕兼寒也濡泄者體重軟弱泄下多水濕自甚也滑泄者久下不能禁固濕勝氣脫也 濕瀉脈濡細乃太陰經脾土受濕洩水虛滑身重微滿不知穀味口不渴久雨泉

溢河溢或運氣濕土司令之時多有此疾宜除
濕湯吞戊巳丸佐以胃苓湯重者木附湯東
垣云予病脾胃久衰視聽半失此陰盛乘陽加
之氣短精神不足此由弦脉令虛多言之過也
皆陽氣衰弱不得舒伸伏匿於陰中耳癸卯歲
六七月間淫雨陰寒踰月不止時人多病泄利
一日予體重肢節疼痛大便泄并下者三而小
便閉塞思其治法按內經標本論大小不利無
問標本先利小便又云在下者引而竭之亦是

先利小便也又云諸泄利小便不利先分別之
又云治濕不利小便非其治也皆言當利小便
必用淡味滲泄之劑以利之是其法也噫聖人
之法雖布在方策其不盡者可以意求耳今客
邪寒濕之淫從外而入裏以暴加之若從已上
法度用淡滲之劑以除之其難即已足降之又
降是復益其陰而重竭其陽則陽氣愈削而精
神愈短矣是陰重強陽重衰反助其邪之謂也
故必用升陽風藥即差以羌活獨活柴胡升麻

各一錢防風根半錢炙甘草半錢同以咀水三
鍾煎至三盞去渣稍熱服大法云濕寒之勝助
風以平之又曰下者舉之得陽氣升騰而去矣
又法云客者除之是因曲而為之直也夫聖人
之法可以類推舉一而知自者也若不達升降
浮沈之理而一藥施治其愈者幸也 濕兼寒
瀉內經曰濕勝則濡泄甲乙經云寒氣客於下
焦傳為濡泄夫脾者五藏之至陰其性惡寒濕
今寒濕之氣內客於脾故不能裨助胃氣腐熟

水穀致清濁不分水入腸間虛莫能制故洞泄
如水墮氣而下謂之濡泄法當除濕利小便也
治之以對金飲子 濕兼熱瀉益元散參黃丸
濕兼風見餐泄條 寒瀉脈沉細或弦遲身
冷口不渴小便清白或腹中綿綿作疼宜理中
湯附子溫中湯漿水散 暴泄如水周身汗出
一身盡冷脈沉而弱氣少而不能語甚者加吐
此謂緊病宜以漿水散治之 若太陽經傷動
傳太陰下利為蒼漣大腸不能禁固卒然而下

中有硬物欲起而又下欲止而又不了小便多
清此寒也宜溫之春夏桂枝湯秋冬白朮湯
理中湯治泄瀉加橘紅茯苓各一兩名補中湯
若澹泄不已者於補中湯內加附子一兩不喜
飲食水穀不化者再加砂仁一兩共成八味
仲景云下利不止醫以理中與之利益甚理中
者理中焦此利在下焦赤石脂禹餘糧湯主之
用此加法則能理下焦矣 戴云寒瀉寒氣在
腹攻刺作痛洞下清水腹內雷鳴米飲不化者

理中湯或附子補中湯吞大已寒丸或附子桂
香丸畏食者八味丸元是冷瀉因瀉而煩躁引
飲轉飲轉瀉者參附湯連理湯 如寒瀉服上
藥未効宜木香湯或薑附湯六桂湯吞震靈丹
養氣丹手足厥逆者兼進硃砂丹藥食方入口
而卽下者名曰直腸難治如瀉已愈而精神未
復舊者宜十補飲寒瀉腹中大疼服前藥外兼
進乳苳丸服諸熱藥以溫中並不見効登圍不
迭穢物隨出此屬下焦宜桃花丸二五粒訶梨

勤丸以澀之。按戴方多過於亢熱用者審之。
熱瀉脉數疾或洪大口乾燥身多動音聲響
亮暴注下迫益元散加苓連燈心淡竹葉之屬。
泄而身熱小便不利口渴者益元五苓若火
多四苓加木通黃苓。泄而困倦不便者及脉
數虛熱者宜參朮滑石苓通。泄而脉滑堅者
實熱宜大承氣湯。戴云熱瀉糞色赤黃彈響
作痰糞門焦痛糞出穀道猶如湯熱煩渴小便
不利宜五苓散吞香連丸。凡瀉津液既去口

必渴小便多是赤澀未可便作熱論的知熱瀉
方用冷劑不然勿妄投以致增劇。玉龍丸治
一切伏暑泄瀉神效。理中湯加茯苓黃連名
連理湯用之多有奇功且如今當暑月若的知
暑瀉自合用暑藥的知冷瀉自合用熱藥中間
有一等盛暑又復內傷生冷非連理湯不可下
泄無度泄後却彈過響肛門熱小便赤澀心下
煩渴且又喜冷此藥為宜若元是暑瀉經久下
元虛甚日夜頻併暑毒之勢已然然而瀉不已復

用暑藥則決不能取効，便用薑附輩，又似難施。疑似之間，尤宜用此。氣瀉腸鳴，氣走胸膈，痞悶腹急而痛瀉，則腹下稍可，須臾又急，亦有腹急氣塞而不通者。此由中脘停滯，氣不流轉，水穀不分所致。戴法用天七香丸入米煎服，久而不愈者，五膈寬中散吞震靈丹，仍佐以米飲調香附末，調氣散。金匱訶梨勒散治氣利。氣虛瀉用四君子湯加麴蘖升柴吞二神加木香丸。積滯泄瀉腹必耕痛，方泄者是也。或肚

腹滿按之堅者亦是也。受病淺者宜神麴之類，消導之病深而頑者必用進退承氣之類。下之方安。傷食瀉因飲食過多，脾胃之氣不足以運化而瀉，其人必噫氣如敗卵，真宜治中湯加砂仁半錢，麴蘖枳朮丸，或七香丸紅丸子雜服。食積腹疼而瀉不可遂用治中，現住宜先用消導推蕩之藥，或因食一物過傷而瀉，後復食之，即瀉者以脾為所傷，未復而然，宜大建脾湯。或用仍燒所傷之物存性為末，三五錢重調服。

世高

卷之六

七

因食冷物停滯傷脾脾氣不暖所食之物不能
消化瀉出而食物如故宜治中湯加乾葛吞酒
煮黃連丸 有脾氣久虛不受飲食者食畢即
腸鳴腹急盡下所食之物方快不食則無事俗
名錄食瀉經年累月宜快脾丸 因傷於酒每
晨起必瀉者宜理中湯加乾葛吞酒煮黃連丸
或葛花解醒湯吞之 因傷麪而瀉者養胃湯
加萊菔子炒研一錢痛者更加木香五分瀉甚
者去藿香加炮薑如其數 痰瀉一陳湯海石

青黛黃之神麪薑汁竹瀝爲丸每服三五十九
少者必用吐法吐之方愈 一男子夜數如廁
或教以生薑一兩碎之半夏湯洗與大棗各三
十枚水一升磁瓶中慢火燒爲熟水時時呷之
數日便已 每日五更即泄瀉有酒積有寒積
有食積有腎虛俗呼脾腎泄 有人每早須大
瀉一行或腹痛或不腹痛空心服熱藥亦無効
有人教以夜食前又進熱藥一服遂安後如此
常服愈蓋暖藥雖平日服之至夜力已盡無以

世第
卷之六
八

敵一夜陰氣之故也 有人每五更將天明時
必澀利一次有人云此名腎泄服五味子散頓
愈 有人久泄早必澀一二行泄後便輕快脈
滑而少弱先與厚朴和中丸五十九丸大下之後
以白朮為君枳殼半夏茯苓為臣厚朴炙甘草
芩連川芎滑石為佐吳茱萸十餘粒為使生薑
煎服十餘貼而愈 戴云有每日五更初洞瀉
服止瀉藥並無效米飲下五味丸或專以比五
味煎飲雖節省飲食大段忌口但得日間上半

夜無事近五更其瀉復作此病在腎分水飲下
二神丸及椒朴丸或平胃散下小茴香丸二
神丸合五味子散名為四神丸治瀉尤妙小
便不利而泄若津液偏滲於大腸大便瀉而小
便少者用胃苓散分利之若陰陽已分而小便
短少此脾肺氣虛不能生水也宜補中益氣湯
加麥門五味陰火上炎而小便赤少此肺氣受
傷不能生水也用六味地黃丸加麥門五味腎
經陰虛陽無所生而小便短少者用滋腎丸腎

氣丸腎經陽虛陰無所化而小便短少者用益
氣湯六味丸若誤用滲泄分利復傷陽氣陰無
所生而小便益不利則腫脹之證作而疾危矣
凡大便泄服理中湯小便不利大便反泄不
知氣化之過本肺不傳化以純熱之藥治之是
以轉泄少服則不止多服則愈熱所以不分若
以青皮陳皮之類治之則可經云膀胱者州都
之官津液藏焉氣化則能出矣 泄而口渴引
飲此為津液內亡用錢氏白朮散或補中益氣

湯腎水不足之人患泄或過服分利之劑而渴
者加減八味丸失治必變小便不利水腫脹滿
等危証矣 水漬入胃名為溢飲滑泄渴能飲
水水下復泄泄而大渴此無藥證當灸大顛在
一推下滑瀉東垣云中焦氣弱脾胃受寒冷
致便滑泄腹中雷鳴或因悞下未傳寒中復遇
時寒四肢厥逆心胃絞痛冷汗不止此腎之脾
胃虛也沉香溫胃丸治之薛氏曰前證若脾胃
虛寒下陷者用補中益氣湯加木香肉苳菴補

滑瀉
骨脂若脾氣虛寒不禁者用六君子湯加炮薑
肉桂若命門火衰脾土虛寒者用八味丸若脾
腎氣血俱虛者用十全大補湯送四神丸若大
便滑利小便閉澀或肢體漸腫喘嗽唾痰為脾
腎氣血俱虛宜用十全大補湯送四神丸若大
胃虧損宜金匱加減腎氣丸 保命集云虛滑
久而不止者多傳變為利太陰傳少陰是為現
邪先以厚朴枳實湯防其傳變按此法實者用

之虛者不若四神丸實腎之為得也 收澀之
劑固腸丸訶子散皆治熱滑扶脾丸桃花丸訶
子丸赤石脂禹餘糧湯皆治寒滑 瀉已愈至
明年此月日時復發者有積故也脾主信故至
期復發熱積大承氣湯寒積感應丸虛者以保
和丸加三稜蓬朮之屬投之 趙以德云昔聞
先生言泄瀉之病其類多端得於六淫五邪飲
食所傷之外復有雜合之邪似難執法而治乃
見先生治氣暴脫而虛頓瀉不知人口眼俱閉

呼吸微甚殆欲絕者急灸氣海飲人參膏十餘斤而愈治陰虛而腎不能司禁固之權者峻補其腎治積痰在肺致其所合大腸之氣不固者瀉出上焦之痰則肺氣下降而大腸之虛自復矣治憂患太過脾氣結而不能升舉陷入下焦而成泄瀉者開其鬱結補其脾胃使穀氣升發也凡此之類不可枚舉因問先生治病何其神也先生曰無他圓機活法具在內經熟之自得矣

餐泄

水穀不化而完出是也史記倉公傳迴風即此口經云清氣在下則生餐泄又曰久風入中則為腸風餐泄夫脾胃土也氣沖和以化為事今清氣下降而不升則風邪久而于胃是木賊土也故沖和之氣不能化而令物完出謂之餐泄或飲食太過腸胃所傷亦致米穀不化此俗呼水穀利也法當下者舉之而消剋之也以加減木香散主之東垣云清氣在下者乃人之脾胃氣衰不能升發陽氣故用升麻柴胡

助甘辛之味以引元氣之升不令下陷爲養泄也又云凡泄則水穀不化謂之養泄是清氣在下乃胃氣不升上古聖人皆以升浮藥扶持胃氣一服而愈知病在中焦脾胃也脉訣曰濕多成五泄濕者胃之別名也病本在胃真氣弱真氣者穀氣也不能尅化飲食乃濕盛故也以此論之正以脾胃之弱故也初病奪食或絕不食一二日使胃氣日勝泄不作也今已成大泄矣經云治濕不利小便非其治也又云下焦如

瀆又云在下者引而竭之惟此證不宜此論其病得之於胃氣下流清氣不升陽道不行宜升宜舉不宜利小便靈樞云頭有疾取之足謂陽病在陰也足有疾取之土謂陰病在陽也中有疾傍取之傍者少陽甲膽是也中者脾胃也脾胃有疾取之足少陽甲膽者甲風是也東方春也胃中穀氣者便是風化也作一體而認故曰胃中濕勝而成泄瀉宜助甲膽風勝以克之又

是升陽助清氣上行之法也又一說中焦元氣

不足瘦便為之變腸為之苦鳴亦緣胃氣不升
故令神氣上行又云風勝濕也大抵此證本胃
氣弱不能化食奪食則一日而可止夫奪食之
理為胃弱不能化食則為泄如食不下何以
作泄更當以藥滋養元氣令和候泄止漸與食
胃勝則安矣若食不化者於升陽風藥內加炒
麴同煎兼食入頓至心頭者胃之上口也必口
沃沫或食入反出皆胃土停寒其右手關脈中
弦按之洪緩是風熱濕相合穀氣不行泄氣不

升為弦脈之寒所隔故不下也麴之熱亦能去
之若反胃者更加半夏生薑入於風藥內同煎
奪食少食欲使胃氣強盛也若藥劑大則胃不
勝藥泄亦不止當漸漸與之今病既久已至衰
弱當以常法治之不可多服餌也人之肉如地
之土豈可令人而無肉故肉消盡則死矣消瘦之
人有必死者入內經有七外經有一又病肌肉
去盡勿治之天命也如肌肉不至瘦盡當急療
之宜先奪食而益胃氣便與升陽先助真氣次

用風藥勝濕以助升騰之氣病可已矣餘皆勿
論此治之上法也湯之用升陽除濕春傷於風
夏生餐泄不在時為春在人為肝在天為風風
者無形之清氣也當春之時發為溫令反為寒
折是三春之月行三冬之令也以是知木為太
過矣水既太過金肅愈嚴是所勝者乘之而妄
行也所勝者乘之則木虛明矣故經曰從後來
者為虛邪木氣既虛火令不及是所生者受病
也故所不勝者侮之是以土來乘之分變而為

餐泄也故經曰清氣在下則生餐泄以其濕令
當權故餐泄之候發之於夏也若當春之時木
不發生溫令未顯止行冬令是謂傷衛以其陽
氣不出地之外也當以麻黃湯發之麻黃味苦
味之薄者乃陰中之陽也故從水中補木而瀉
水發出津液為汗也若春木既生溫令已顯陽
氣出於地之上寒再至而復折之當以輕發之
謂已得少陽之氣不必用麻黃也春傷於風夏
生餐泄所以病發於夏者以木絕於夏而土旺

於長夏濕本有下行之體故餐泄於夏也不病
於春者以其春時風雖有傷木實當權故餐泄
不病於木之時而發於濕之分也經曰至而不
至是為不及所勝妄行所不勝者薄之所生者
受病此之謂也 仲景法下利清穀裏寒外熱
汗出而厥者通脈四逆湯主之 河間法餐泄
風冷入中泄利不止脈虛而細日夜數行口乾
腹痛不已白朮湯主之 東垣云洩利餐泄身
熱脈弦腹痛而渴及頭痛微汗宜防風芍藥湯

東垣所云內動之風也經云春傷於風夏生
餐泄又云久風為餐泄又云虛邪之中人也始
於皮膚留而不去傳舍於絡脈留而不去傳舍
於經留而不去傳舍於輸留而不去傳舍於伏
衝之脈留而不去傳舍於腸胃在腸胃之時賁
響腹脹多寒則腸鳴餐泄食不化則非內動之
風也潔古云大渴引飲多致水穀一時下者宜
灸大椎三五壯或用車前子雷丸白朮茯苓及
五苓散等藥滲之又如久風為餐泄者則不飲

水而穀完出治法當以宣風散導之後服蒼朮
防風湯餐泄以風為根風非汗不出有病此
者腹中雷鳴泄注水穀不分小便瀆滯皆以脾
胃虛寒故其服蒼朮烏梅粟殼乾薑附子曹無
一効中脘膈下炎已數日燥熱轉甚津液涸竭
瘦削無力飲食減少延予視之予以應象論曰
熱氣在下水穀不分化生餐泄寒氣在上則生
臃脹而氣不散何也陰靜而陽動故也診其脉
兩手皆浮大而長身表微熱用桂枝麻黃湯以

薑棗煎大劑連進三服汗出終日至旦而愈次
以胃風湯和其藏府調養陰陽食進而愈經
云脾虛則腹滿腸鳴泄食不化又云餐泄取三
陰三陰者太陰也宜補中益氣湯以白芍藥代
當歸主之又云腎藏志志有餘腹脹餐泄瀉
然筋血又云肝足厥陰之脉所生病者胸滿
嘔逆餐泄視盛虛寒熱陷下施法此皆內因
無風者也

無風者也

動並發者... 然前血... 當... 劍三劍者... 云... 以... 實...

滯下

即痢疾

古以赤為熱 白為冷 至金河間李東垣始
 非之 劉謂諸痢皆由平熱而以赤屬之心火
 黃屬之脾土白屬之肺金青屬肝木黑乃熱之
 極而反兼腎水之化其諸瀉利皆兼於濕濕主
 於痞以致佛鬱氣不得宣通濕熱甚於腸胃之
 中因以成腸胃之燥故裏急後重小便赤澀謂
 治諸痢莫若以辛苦寒藥而治或微加辛熱佐
 之辛能開鬱苦能燥濕寒能勝熱使氣宣平而

滯下

三

三

已行血則便血自愈調氣則後重自除 李從
脾胃病者而論則曰上逆於肺為白下傳於陰
為赤 衛生寶鑑因謂大陰主瀉傳於少陰為
痢由泄亡津液而火就燥腎惡燥居下焦血分
也其受邪者故便膿血然亦赤黃為熱青白為
寒 丹溪謂滯下因火熱下迫而致裏急後重
用劉氏之治濕熱李氏之保脾土更復一一較
量氣血虛實以施治 三家皆發前代之未發
而舉其要也予嘗因是而研究之自其五色分

五藏者言則可見濕熱之中具有五邪之相挾
自其上逆下傳氣血者言則可見五藏六府十
二經脉之氣血諸邪皆得傷之而為痢之赤白
本自其濕熱為病者言則可見由來致成濕熱
之故非一端自其分痢有虛實者言則可見凡
在痢病者中所有之證如煩躁者咽乾舌黑者
噦噫後重者腹痛者脹滿者脚痛腫弱之類悉
有虛實之殊是故予於痢證直斷之種種為邪
入胃以成濕熱經經受傷其氣傷則病於肺血

傷則傳於心。心肺者，氣血之主也。氣血所行之方，既病安得不歸所主之藏乎？而大小腸者，心肺之合也。出納水穀，糟粕轉輸之官。胃乃大小腸之總司，又是五藏六府十二經脈稟氣之海。苟有內外之邪，凡損傷於經藏者，或移其邪入胃。胃屬土，濕之化。胃受邪則濕氣不化，怫鬱而成濕熱矣。或心肺移氣血之病，傳之於合。大腸獨受其病，則氣凝注而成白痢。小腸獨受其病，則血凝注而成赤痢。大小腸通受其病，則赤白

相混而下。胃之濕熱淫於大小腸者，亦如之。其色兼黃若色之黑者，有二：如色之焦黑，此極熱兼水化之黑也；如黑之光若漆者，此瘀血也。或曰：治利從腸胃，世人所守之法也。今乃復求其初感之邪，與初受之經，將何為哉？曰：病在腸胃者，是其標也；所感之邪，與初受之經者，是其本也。且內經於治標本，各有所宜施之先後，況所傳變之法，又與傷寒表裏無異，何可不求之乎？豈止此而已。至若腸胃自感而病，亦當以邪正

分或正氣先虛而受邪或因邪而致虛則以先
者為本後者為標與夫積之新舊亦如之舊積
者停食結痰所化之積也新積者舊積去後而
氣血復鬱所生者也舊積當先下之新積則不
宜下其故何哉蓋腸胃之腐熟水穀轉輸糟粕
者皆榮衛灑陳六府之功今腸胃有邪則榮衛
運行至此其機為之阻不能施化故衛氣鬱而
不舒榮血泣而不行於是飲食結痰停於胃糟
粕留於腸與所鬱氣泣血之積相挾成滯下病

矣如是者必當下之以通壅塞利榮衛之行至
於升降仍不行衛氣復鬱榮血復泣又成新積
故病如初若是者不必求邪以治但理衛氣以
開通腠理和榮血以調順陰陽陰陽調腠理開
則升降之道行其積不治而自消矣然而舊積
亦有不可下者先因榮衛之虛不能轉輸其食
積必當先補榮衛資腸胃之真氣充溢然後下
之庶無失矣予數見俗方惟守十數方治利不
過攻之澀之而已矣安知攻病之藥皆是耗氣

損血之劑用之不巳甚至於氣散血亡五藏空
虛精億神去而死其因濕之又皆足以增其氣
鬱血泣之病轉生腹脹下爲足腫上爲喘呼諸
疾作焉世人之法何足守乎

丹溪云痢初得之必用調胃承氣及大小承氣
有男子五十餘下利晝有積淡紅色夜無積食
自進先喫小胃丹兩服再與四十九次六十九
去積却與斷下按此惟實者宜之虛者以芍
藥湯益元散無和丸之類濕積芍藥湯治下

血調氣經曰溲而便膿血知氣行而血止也行
血則便自安調氣則後重自除益元散治身
發熱下痢赤白小便不利盪胃中積聚下痢
勢惡頻併窘痛或久不愈諸藥不止須吐下之
以開除濕熱痞悶積滯而使氣液宣行者宜玄
青丸逐之玄珠利積丸亦可玄珠云下痢
赤白腹滿脹痛裏急上渴引飲小水赤澹此積
滯也宜泄其熱中用清腸丸導氣丸推其積滯
而利自止矣凡治積聚之證輕則溫而利之清

清
三
三

腸丸是也重者天真散舟車丸下之下後勿便
補之其或力倦自覺氣少惡食此為挾虛證宜
加白朮當歸身尾甚者加入參若及十分重者
止用此藥加陳皮補之虛回而痢自止矣下丹
溪治葉先生患滯下後甚逼迫正合承氣證但
氣口虛形雖實而面黃積白此必平昔食過飽
而胃受傷寧忍二三日辛苦遂與參朮陳皮芍
藥等補藥十餘貼至二日後胃氣稍完與承氣
二貼而安苟不先補完胃氣之傷而遽行承氣

寧免後患乎以上戴云痢疾古名滯下以氣
滯成積積成痢治法當以順氣為先須當開胃
故謂無飽死痢疾也凡痢初發不問赤白裏
急後重頻欲登園及去而所下無多既起而腹
內復急宜用藿香正氣散加木香半錢吞感應
丸或蘇合香丸吞感應丸以上赤痢血色鮮
紅或如蛇蟲形而間有血鮮者此屬熱痢宜藿
香正氣散加黑荳二十粒五苓散加木香半錢
粟米少許下黃連丸或黃連阿膠丸茶梅丸熱

下
三三

甚服上項藥未効宜白頭翁湯 赤痢發熱者
敗毒散加陳倉米一撮煎 若血色黯如瘀服
涼藥而所下愈多去愈頻者當作冷痢宜理中
湯或四君子湯加肉果一錢木香半錢 加減
平胃散青六丸治血痢佳 諸血痢不止宜多
用地榆 易簡方云血痢當服胃風湯膠艾湯
之類 心經伏熱下純血鮮紅色必用犀角生磨汁
半鍾朱砂飛研二錢牛黃三分人參末三錢和
丸如麻子大燈心龍眼肉煎湯下六七分 脾

經受濕下血痢用蒼朮地榆湯 血痢久不止
腹中不痛不裏急後重槐花丸 乾薑於火上
燒黑不令成灰磁碗合放冷爲末每服一錢米
飲調下治血痢神効仲景云小腸有寒者其人
下重便血可以此治之赤痢以上 東垣云大便後
有白膿或只便白膿因勞倦氣虛傷大腸也以
黃芪人參補之如裏急頻見汚衣者血虛也宜
加當歸 如便白膿少有滑頻見汚衣者氣脫
加附子皮甚則加御米殼如氣瀉者只以甘藥

補氣當安卧不言以養其氣戴云白痢下如
凍膠或如鼻涕此屬冷痢先宜多飲除濕湯加
木香一錢吞感應丸繼進理中湯亦有下如鮫
色或如臘茶色者亦宜用前白痢藥白蠟治
後重白膿白痢若感暑氣而成痢疾者其人
自汗發熱面垢嘔逆渴欲引飲腹內攻刺小便
不通痢血頻併宜香薷飲加黃連一錢佐以五
苓散益元散白湯調服不愈則用蜜水調感
暑成痢疼甚食不進六和湯藿香正氣散各半

貼名木香交加散以上老人深秋患痢發呢
逆嘔者黃蘗炒燥研末陳米飯為丸小晚豈大
每服三十丸人參白朮茯苓三味濃煎湯下連
服三劑即愈切不可下丁香等熱藥治冷利
腹中不能食肉豈蔻去皮醋麩裹煨熟搗末粥
飲下二錢七世俗治夏中暑痢疾用黃連香
薷飲加甘草芍藥生薑神効者蓋夏月之痢多
屬於暑潔古治處暑後秋冬間下痢用厚朴丸
大効者蓋秋之痢多屬於寒積經所謂必先歲

氣無伐天和者也以上 金匱下痢腹痛紫參

湯主之潔古云厚朴先治處暑後秋冬間腹

痛下痢大効丹溪曰初下痢腹痛不可用參

木然氣虛胃虛者可用初得之亦可用大承氣

調胃承氣下之看其氣病血病然後加減用藥

一腹痛者肺經之氣鬱在大腸之間者以苦梗

發之然後用治痢藥氣用氣藥血用血藥其或

痢後糟粕未實或食粥稍多或饑甚方食肚中

作疼切不可驚恐當以白朮陳皮各半煎湯和

之自安粥多及食肉作痛者宜奪食奪食者

減其粥食絕其肉味也因傷冷水瀉變作赤

白痢腹痛減食熱燥四肢困倦無方宜茯苓湯

下痢之後小便利而腹中滿痛不可忍此名

陰陽反錯不和之甚也越桃散主之治痢止

痛如神方揀淨川連片一兩淨枳殼片一兩槐

花三二兩用水浸片時漉淨同川連先炒老黃

色次入枳殼再炒待燥揀出槐花不用止將黃

連五錢枳殼五錢作一服水煎七分去渣調乳

帶下 三十一

香沒藥淨末各七分五釐服之次照前方再服
一劑腹痛即止痢即稀神效此方有服之如醉
者乃藥力行也不妨 景建中湯治痢不分
赤白久新但腹中大痛者神效其脉弦急或滑
浮大按之空虛或舉按皆無力者是也 下利
膿血稠粘腹痛後重身熱久不愈脉洪疾者芍
藥黃芩湯 膿血痢無度小便不通腹中痛當
歸導氣湯 以上腹痛 下利赤白裏急後重香連丸
亦可用連二錢薑半錢為末和勻温酒下 仲

景云熱利下重者白頭翁湯主之 下利膿血
裏急後重日夜無度宜導氣湯 大瘕泄者裏
急後重數至圍而不能便莖中痛用清涼飲子
主之其泄自止莖中痛者屬厥陰加甘草稍裏
急後重多者屬少陰加大黃令急推去舊物則
輕矣內經曰因其重而減之又云在下者引而
竭之 裏急後重數至圍而不能便皆宜進退
大承氣湯主之 下利赤白後重遲瀉宜感應
丸 或曰治後重踈通之劑羅謙甫水煮木香

膏東垣白朮安胃散等方已盡矣又有用御米
殼等固澀之劑亦愈者何也曰後重本因邪壓
大腸墜下故大腸不能升上而重是以用大黃
檳榔輩瀉其所壓之邪今邪已瀉其重仍在者
知大腸虛滑不能自收而重是以用御米殼等
瀉劑固其滑收其氣用亦愈也然大腸為邪墜
下之重其重至圍後不減大腸虛滑不收之重
其重至圍後隨減以此辨之百不失一也 其
或下墜異常積中有紫黑色而又痛甚此為死

血證法當用桃仁泥滑石粉行之或口渴及大
便口燥辣是名挾熱即加黃芩或口不渴身不
熱喜熱手熨盪是名挾寒即加乾薑 後重積
與氣墜下服升消藥不愈者用秦艽皂角子煨
大黃當歸桃仁枳殼黃連等劑若大腸風盛可
作丸服 其或下墜在血活之後此為氣滯證
宜前藥加檳榔一枚 後重當和氣積與氣墜
下者當兼升兼消升謂升麻之類消謂木香檳
榔之類 金匱方泄利下重者以水五升煮薤

白三升至二升去渣以四逆散方寸七內湯中
煮取一升半分溫再服凡用諸承氣等藥按
積之後仍後重者乃陽不升也藥中當加升麻
升其陽其重自去也東垣云裏急後重數至
圓而不能便或少有白膿或少血者慎勿利之
宜升陽除濕防風湯以上裏急後重其或氣行血和
積少但虛坐努責此為亡血證倍用當歸身尾
却以主地黃生芍藥生桃仁佐之復以陳皮和
之血生自安虛坐而不得大便皆因血虛也

血虛則裏急加當歸身凡後重逼迫而得大
便者為有物而然今虛坐努責而不得大便知
其血虛也故用當歸為君生血藥佐之以上虛坐努責
內經膿血稠粘皆屬相火夫太陰主瀉少陰
主痢是先泄亡津液而火就燥腎惡燥居下焦
血分其受邪者故便膿血然赤黃為熱青白為
寒治須兩審治熱以聖中丸荳蔻丸香連丸治
寒白膠香散或多熱少寒水煮木香膏虛滑頰
數宜止宜瀉宜養藏湯瀉而便膿血者小腸

帶下
三十九

泄也脉得五至已上洪大者宜七宣丸脉平者立秋至春分宜香連丸春分至立秋宜芍藥者亦宜服此藥去其餘邪兼平胃氣以上膿血稠粘其或纏滯退減十之七八穢積未盡糟粕未實當以炒芍藥炒白朮炙甘草陳皮茯苓煎湯下固腸丸三十粒然固腸丸性燥恐尚有滯氣未盡行者但當單飲此湯固腸丸未宜遽用蓋固腸丸者雖有去濕實腸之功其或久痢體虛氣

弱滑泄不止又當以訶子肉荳蔻白礬半夏等藥澀之甚者添牡蠣可擇用之然須以陳皮為佐恐太澀亦能作疼又甚者灸天樞氣海此二穴大能止泄仲景云下利便膿血者桃花湯主之丹溪云桃花湯主病屬下焦血虛且寒非乾薑之溫石脂之澀且重不能止血用粳米之甘引入腸胃水煮木香膏易簡斷下湯白朮安胃散養藏湯五倍子為丸赤痢甘草湯下白痢乾薑湯下各十九烏梅二箇煎

湯 石榴一箇燒灰用酸石榴一箇煎湯調二
錢以滑脫胃東垣治一老僕脫肛日久近復下利
裏急後重白多赤少不任其苦此非肉食膏粱
者也必多蔬食或飲食不節天氣已寒衣蓋又
薄寒侵形體不禁而腸頭脫下者寒也滑也真
氣不禁形質不收乃血脫也此乃寒滑氣泄不
固故形質下脫也當以澀去其脫而除其滑以
大熱之劑除寒補陽以補氣之藥升陽益氣以
微酸之味固氣止收名之曰訶子皮散一服減

半再服全愈 養藏湯 地榆芍藥湯 戴云
脫肛一證最難為藥熱則肛門閉寒則肛門脫
內用磁石研末每一錢食前米飲調下外用鐵
鏽磨湯溫洗以上脫肛 滯下大便不禁其大孔開
如空洞不閉者用葱和花椒末搗爛塞穀道中
併服酸澀固腸之劑收之如御米殼訶子皮之
類是也神效大孔 痢久大孔痛亦有寒熱者
熟艾黃蠟訶子燒熏之 因熱而痛檳榔木香
黃連黃芩加乾薑 因寒而痛炒鹽熨之灸枳

實熨之并溪用瓦片敲圓如銅錢狀燒紅投童子小便中急取起令乾紙裏安痛處因時寒恐外寒乘虛而入也以人參當歸陳皮作濃湯飲之食淡味自安大孔痛痢疾不納食或湯藥入口隨卽吐出者俗名噤口有因邪留胃氣伏而不宣脾氣滯而不布故嘔逆而食不得入者有陽氣不足胃中宿食因之未消則噫而食卒不下者有肝乘脾胃發嘔飲食不入縱入亦反出者有水飲所停氣急而嘔穀不得入者有火氣

炎熾內格嘔逆而食不得入者有胃氣虛冷食入反出者有胃中邪熱不欲食者有脾胃虛弱不欲食者有穢積在下惡氣熏蒸而嘔逆食不得入者當各從其所因以為治以脈證辨之如脾胃不弱問而知其頭疼心煩手足溫熱未嘗多服涼藥者此乃毒氣上衝心肺所以嘔而不食宜用敗毒散每服四錢陳倉米一百粒薑三片棗一枚水一盞半煎八分溫服若其脈微弱或心腹膨脹手足厥冷初病則不嘔因服鴛

帶下

三

四

粟殼烏梅苦澀涼藥太過以致聞食先嘔者此
乃脾胃虛弱用山藥一味剉如小荳大一半入
銀瓦銚內炒熟一半生用同為末飯飲調下
又方用石蓮槌去殼留心併肉碾為末每服二
錢陳米飲調下此疾蓋是毒氣上衝心肺借此
以通心氣便覺思食効 丹溪用人參黃連薑
炒濃煎汁終日細細呷之如吐再喫但一呷下
咽便開痢亦自止神効 楊仁齋用參苓白朮
散加石菖蒲末以道地粳米飲乘熱調下或用

人參茯苓石蓮子肉入此首蒲與之 戴復菴
用治中湯加木香半錢或縮砂一錢以上痢
其或在下則纏滯在上則嘔食此為毒積未化
胃氣未平證當認其寒則溫之熱則清之虛則
用參朮補之毒解積下食自進矣 泄痢久不
安膿血稠粘裏急後重日夜無度宜大黃湯用
大黃一兩剉用好酒兩大盞浸半日同煮至一
盞半去渣分為二次頓服之痢止停服未止再
服以利為度又服芍藥湯以和之所以徹其毒

帶下

書通六

四三

也服前藥痢已除宜以白朮黃芩湯和之
丹溪治一人患痢百餘日百法不効六脉促急
沉弦細弱花左手為甚晝夜十行視之穢物甚
少雖下清涕中有紫黑血絲食全不進此非痢
也宜作瘀血治之以桃仁乳香沒藥滑石佐以
檳榔木香神麴糊為丸米飲下百餘粒至夜半
不動又依前法下二百粒至天明下穢如爛魚
腸者二升半困頓終日漸與粥食而安按此
方恐當有大黃無則難下又治族叔年七十

稟壯形瘦夏末患泄痢至秋百方不應視之病
雖久而神不瘳小便澀少而不赤兩手脉俱澹
而頗弦自言胸微悶食亦減因悟此必多年沉
積癖在腸胃詢其平生喜食何物曰喜食鯉魚
三年無日不用此積痰在肺肺為大腸之藏宜
大腸之不固也當與澄其源而流自清以茱萸
陳皮青葱薤首根生薑煎濃湯和以砂糖飲之
碗許自以指探喉中至半時吐痰半升如膠其
夜減半次早又服又吐半升而痢自止又與平

胃散加白朮黃連旬日而安。收澀用木香散
訶黎勒丸。久痢。休息痢多。因兜住太早。積不盡
除。或因痢愈而不善調理。以致時止時作。宜四
君子湯加陳皮一錢。木香半錢。吞駐車丸。只綠
兜住積滯。遂成休息。再投去積。却用兜劑。張
文仲用虎骨炙焦。搗末調服。日三匙。効。久痢
休息痢。虛滑甚者。用椿根白皮。東南行者。長流
水內漂三日。去黃皮。切片。每一兩配人參一兩。
入煨木香二錢。粳米一撮。煎湯飲之。休息痢。方

痢因痢久不愈。耗損精血。致腸胃空虛。變生他
證。或五心發熱。如勞之狀。宜預蓮飲。亦多倍蓮
肉。白多倍。山藥。痢後調補。宜四君子湯加陳皮
一錢半。卽異攻散。或七珍散。惡甜者。生料平胃
散。加人參茯苓各半錢。諸病壞證。久下膿血
或如死猪肝色。或五色雜下。頻出無禁。有類滯
下。俗名刮腸。此乃藏府俱虛。脾氣欲絕。故腸胃
不脫。若投痢藥。則誤矣。六柱飲去附子。加益智
仁。白芍藥。或可冀其萬一。痢後風。因痢後下

世一
卷一
四十五

虛不善調將或多行或房勞或感外邪致兩脚
痿軟若痛若痺遂成風痺獨活寄生湯吞虎骨
四斤丸或用大防風湯或多以骨碎補三分之
一同研取汁酒解服外以杜牛膝杉木節白芷
南星草薢煎湯熏洗丹溪云痢後風係血入
藏府下未盡復還經絡不得行故也松明節一
兩以乳香二錢炒焦存性蒼朮黃蘗各一兩紫
葳一兩半甘草半兩桃仁去皮不去尖一兩俱
為末每服三錢生薑同杵細水盪起二三沸服

隣人鮑子年二十餘因患血痢用瀉藥取効
後患痛風號叫撼隣里予視之曰此惡血入經
絡證血受濕熱久為凝濁所下未盡留滯隧道
所以作痛經久不治恐成枯細遂與四物湯桃
仁紅花牛膝黃芩陳皮甘草煎生薑汁研潛行
散入少酒飲之數十貼又與刺委中出黑血近
三合而安寶鑑云且如瀉痢止脾胃虛難任
飲食不可一槩用剋伐之劑若補養其脾胃氣
足自然能飲食宜錢氏方中異攻散設或喜嗜

飲食太過不得用... 不拘此例... 服若飲食調節無傷則胃氣和平矣

神心并... 益蓄血受... 胃氣滯不能轉輸... 大小便不通

大小便不通

脉盛皮熱腹脹前後不通... 胃氣滯不能轉輸... 小便秘澀不快... 便秘赤肢節煩疼... 黃湯選用... 不通此是痰隔中焦氣聚... 服後吐查再服... 燒皂角灰為末粥清調下

大小便不通... 佳... 一...

推車客七箇土狗七箇二物新瓦上焙乾爲末
以虎目樹皮狀即虎向東南者煎濃湯服之連
根葱下二莖帶土生薑一塊淡荳豉二十一粒
鹽二匙同研爛作餅烘熱揅臍中以帛紮定良
久氣透自通不通再換一餅陰證大小便不
通及諸雜病陰候大小便不通危急者用牡蠣
陳粉乾薑炮各一兩右爲細末男病用女人唾
調手內擦熱緊揅二卵上得汗出愈女病用男
子唾調手內擦熱緊揅二乳上得汗出愈蓋卵

與乳乃男女之根蒂坎離之分屬也非急不用

[Faint bleed-through text from the reverse side of the page]

以虎目樹皮... 根也... 鹽... 人... 通... 大便不通... 與... 八... 畏... 文... 之... 味... 苦... 大... 通... 之... 公... 氣... 也... 非... 意... 也... 凡... 氣... 虛... 者... 秘... 氣... 也... 有... 熱... 秘... 有... 老... 人... 津... 液... 乾... 燥... 及... 婦... 人... 分... 產... 亡... 血... 及... 發... 汗... 利... 小... 便... 病... 後... 血... 氣... 未... 復... 皆... 能... 作... 秘... 不... 可... 一... 例... 用... 硝... 黃... 利... 藥... 巴... 苴... 牽... 牛... 尤... 在... 所... 禁... 大... 便... 不... 通... 四... 九...

大便不通

潔古云藏府之秘不可一槩治療有虛秘一有實秘胃實而秘者能飲食小便赤當以麻仁丸七宣丸之類主之胃虛而秘者不能飲食小便清利厚朴湯主之胃氣實者秘物也胃氣虛者秘氣也

風秘者由風搏肺藏傳於大腸故傳化難或其
人素有風病者亦多有秘宜小續命湯去附子
倍芍藥入竹瀝一杯吞潤腸丸或活血潤腸丸
冷秘由冷氣橫於腸胃凝陰固結津液不通
胃氣閉塞其人腸內氣攻喜熱惡冷宜藿香正
氣散加官桂枳殼各半錢吞半硫丸熱藥多秘
惟硫黃暖而通冷藥多泄惟黃連肥腸而止泄
氣秘由氣不升降穀氣不行其人多噫宜蘇
子降氣湯加枳殼吞養正丹或半硫丸來復丹

未効佐以木香檳榔丸有氣作痛大便秘塞
用通劑而便愈不通又有氣秘強通之雖通復
秘或迫之使通因而下血者此當順氣氣順則
便自通又當求溫暖之劑熱秘面赤身熱腸
胃脹悶時欲得冷或口舌生瘡此由大腸熱結
宜四順清涼飲吞潤腸丸或木香檳榔丸實者
承氣湯仲景云脈有陽結陰結者何以別之
曰其脈浮而數能食不大便者此為實名曰陽
結也期十七日當劇其脈沉而遲不能食身體

重^レ大便反^レ鞭名曰陰結也期十四日當劇東垣
云陽結者散之陰結者熱之前所云實秘熱秘
卽陽結也前所云虛秘冷秘卽陰結也老人
虛秘及出汗利小便過多一切病後血氣未復
而秘者宜蘇子降氣湯倍加當歸吞歲靈仙丸
或肉黃飲菴蓉潤腸丸尤宜東垣云津液耗
而燥者以辛潤之腎主五液津液盛則大便
如常若饑飽勞役損傷胃氣及食辛熱厚味之
物而助火邪伏於血中耗散真陰津液虧少故

大便結燥又有年老氣虛津液不足而結者腎
燥急食辛以潤之是也血虛津液枯竭而
秘結者脉必小澀面無精光大便雖軟努責不
出大劑四物湯加陳皮甘草酒紅花導滯通幽
湯益血丹血少兼有熱者脉洪數口乾小便
赤少大便秘硬潤燥湯活血潤燥丸四物湯加
酒芍梔子桃仁紅花大法云大便秘服神芎
丸大便不通小便反利不知燥濕之過本大腸
少津液以寒燥之藥治之是以轉燥少服則不

大便不通

五十一

五十一

濟多服則亡血所以不通若用四物麻子杏仁
之類則可經云燥則為枯濕劑所以潤之
金匱真言論云北方黑色入通於腎開竅於二陰
故腎陰虛則小大便難宜以地黄菴蓉車前茯苓
之屬補真陰利水道少佐辛藥開腠理致津
液而潤其燥施之於老人尤宜若大小便燥結
之甚求通不得登廁用力太過便仍不通而氣
被掣脫下注肛門有時世出清水而裏急後重
不可忍者胸膈間梗梗作惡乾嘔有聲渴而索

水飲食不進呻吟不絕欲利之則氣已下脫命
在須臾再下即絕欲固之則弱與燥矢膨滿腹
腸間恐反增劇欲升之使氣自舉而穢物不為
氣所結自然通利則嘔惡不堪宜如何處家姑
年八十餘嘗得此患予惟用調氣利小便之藥
雖小獲効不收全功嘗慰之令勿急性後因不
能食遽索末藥利下數行不以告予自謂稍快
矣而脉忽數動一止氣息奄奄頽然牀褥予知
真氣已泄若不收攝恐遂無救急以生脉藥投

之數劑後結脉始退因合益血潤腸丸與服勸
以勿求速效勿服他藥久之自有奇功如言調
理兩月餘而二便通調四肢康勝矣便秘自是
老人常事俗以為後門固壽考之徵而一時難
堪輒躁擾而致疾予所處方不犯大黃可以久
服故表而出之 元戎五燥大便秘 東方其
脉弦風燥也宜瀉風之藥治之獨活羌活防風
茶萸地黃柴胡川芎 南方其脉洪熱燥也宜
鹹苦之藥治之黃芩黃連大黃黃蘗芒硝 西

南方其脉緩土燥也宜潤濕之藥治之芍藥半
夏生薑烏梅木瓜 西方其脉澀血燥也宜滋
血之藥治之杏仁麻仁桃仁當歸氣結用木香
檳榔枳實陳皮地黃郁李仁 北方其脉遲寒
燥也宜溫熱之藥治之當歸肉桂附子烏頭硫
黃良薑巴豆 潤腸丸加減法 如病人不小
便因大便不通而澀其邪盛者急加酒洗大黃
以利之 如血燥者加桃仁酒洗大黃 如風
結燥者加麻仁大黃 如風澀者加煨皂角仁

大黃秦朮以利之。如脉瀯覺身癢氣瀯者加郁李仁大黃以除氣燥。如寒陰之病為寒結閉者以局方中半硫丸或加煎附子生薑湯水冷與之其病雖陰寒之證當服陽藥補之若大便恒不甚通者亦當十服中與一服利藥微通其大便不冷秘結乃治之大法也。若病人雖是陰證或是陰寒之證其病顯躁脉堅實亦宜陽藥中少加苦寒之劑以去熱躁躁止勿加如陰躁欲坐井中者其腎脉按之必虛或沉細

而遲此為易辨如有客邪之病亦從權加之。有物有積而結者當下之。食傷太陰腸滿食不化腹響響然不能大便者以苦泄之。七宣丸木香檳榔丸。桃杏仁俱治大便秘當以血氣分之。年老虛人大便秘者脉浮在氣杏仁陳皮主之。脉沉在血桃仁陳皮主之。所以俱用陳皮者以手陽明病與手大陰為表裏也。又云盛則難便行陽氣也。敗則便難行陰血也。注夏大便瀯滯者血少血中伏火也。黃芪人參湯加

大便不通

卷之二

五十四

生地黄當歸身桃仁泥麻仁泥潤之。如潤之
大便久不快利者，少加煨大黃微利之。如加
大黃久不快利者，非血結血秘，是熱則生風病，
必濕風證，止當服黃芪人參湯，只用羌活防風
各半兩水四盞煎至一盞，去渣空心服之。其大
便秘大走也。大便不通五日一徧小便黃赤
渾身腫面上及腹尤甚，色黃麻木身重如山，沉
困無力，四肢痿軟不能舉動，喘促唾清水吐穢
痰白沫如膠，時躁熱發欲去衣，須臾而過振寒。

頂額有時如冰，額寒尤甚，頭旋眼黑，目中溜火
冷淚，鼻不聞香臭，小腹急痛，當臍有動氣，按之
堅硬而痛，宜麻黃白朮湯。此病宿有風濕熱伏
於榮血之中，其水火乘於陽道而上，盛元氣短
少，上喘為陰火傷其氣，四肢痿在腎水之間，乃
所勝之病。今正遇冬寒，得時乘其肝木，又實其
母，肺金尅木，凌火是大勝，必有大復，其證善怒
欠多，嚏鼻中如有物，不聞香臭，目視眈眈多悲
健忘，少腹急痛徧身黃腹大脹，面目腫尤甚，食

不下，痰唾涕，有血目眚，癆大便不通，只二服皆愈。凡諸秘服藥不通，或虛人畏服利藥者，用蜜煎導，或用鹽及皂角末和入蜜煎中，尤捷。蓋鹽能軟堅，潤燥，皂角能通氣，踈風，故也。冷秘用醬生薑導，或於蜜煎中加草烏頭末，以化寒消結。熱者猪膽汁導，烏梅湯浸去核為丸如棗子，大亦可導。醬瓜削如棗亦可導。丹溪云：予觀古方通大便，皆用降氣品劑，蓋肺氣不降，則大便難傳送，用枳殼沉香訶子杏

仁等是也。又老人虛人，風人津液少而秘者，宜以藥而滑之，用胡麻麻仁阿膠等是也。如妄以峻利藥逐之，則津液走，氣血耗，雖暫通而即秘矣。必更生他病。昔王少府患此疾，有入以駮藥利之者，屢矣，後為肺痿，咯膿血，卒至不通而死。

夫大便不通者，其病不一。或因氣滯，或因血虛，或因津枯，或因燥結。或因食積，或因蟲積。或因風寒，或因濕熱。或因勞傷，或因憂鬱。或因房事，或因色慾。或因酒色，或因膏粱。或因辛辣，或因燥熱。或因寒涼，或因濕冷。或因虛弱，或因氣逆。或因血滯，或因痰壅。或因風燥，或因火炎。或因水停，或因土壅。或因木鬱，或因金燥。或因火動，或因水寒。或因氣鬱，或因血凝。或因津竭，或因燥結。或因食積，或因蟲積。或因風寒，或因濕熱。或因勞傷，或因憂鬱。或因房事，或因色慾。或因酒色，或因膏粱。或因辛辣，或因燥熱。或因寒涼，或因濕冷。或因虛弱，或因氣逆。或因血滯，或因痰壅。或因風燥，或因火炎。或因水停，或因土壅。或因木鬱，或因金燥。或因火動，或因水寒。或因氣鬱，或因血凝。或因津竭，或因燥結。或因食積，或因蟲積。

閉癰遺尿

遺尿者，溺出不自知也。閉癰者，溺閉不通而淋瀝滴點也。唯肝與督脉三焦膀胱主之。肝脉督脉主之者，經云：肝足厥陰之脉，過陰器，所生病者遺溺閉癰。又云：督脉者，女子入繫廷孔，其孔溺孔之端也。其男子循莖下，至篡與女子等。其生病癰痔遺溺，故遺溺閉癰皆取厥陰俞穴及督脉俞穴也。三焦主之者，經云：三焦下脉在於足太陽之前，少陽之後，出於臍中外廉名。

曰委陽足太陽絡也三焦者足太陽少陽之所
將太陽之別也上踝五寸別入貫膈腸出於委
陽並太陽之正入絡膀胱約下焦實則閉癰虛
則遺溺遺溺則補之閉癰則瀉之是也膀胱
主之者經云膀胱不利為癰不約為遺溺是也
然遺溺閉癰不取膀胱俞穴者蓋膀胱但藏溺
其出溺皆從三焦及肝督脉也閉癰合而言
之一病也分而言之有暴久之殊蓋閉者暴病
為溺閉點滴不出俗名小便不通是也癰者久

病為溺癰淋瀝點滴而出一日數十次或百次
名淋病是也今分其病古為二門

此門治遺溺
此門治閉癰
此門治淋瀝
此門治點滴
此門治小便不通
此門治小便頻數
此門治小便混濁
此門治小便赤白
此門治小便砂石
此門治小便血淋
此門治小便血澀
此門治小便血痛
此門治小便血閉
此門治小便血癰
此門治小便血癢
此門治小便血癢
此門治小便血癢

將太陽之別也上取五寸別入貫腦腸胃其委
陽並太陽動止入絡膀胱下焦實則閉虛處
則遺溺遺溺則補之閉虛則瀉之是也
主之者經云膀胱不利為癰不約為遺溺也
然遺溺閉癰不取膀胱命火者蓋膀胱但藏溺
其出溺皆從三焦及腎氣也
各辨其長也今人其氣虛空二門益閉者參列
藥為藥藥林藥藥藥而出其一日遺尿火虛者火

小便不通

丹溪大法小便不通有熱有濕有氣結於下宜
清宜燥宜升有隔二隔三之治如因肺燥不能
生水則清釜此隔一如不因肺燥但膀胱有熱
則宜瀉膀胱此正治也如因脾濕不運而精不
升故肺不能生水則當燥脾健胃此隔三車前
子茯苓清肺也黃蘗知母瀉膀胱也蒼朮白朮
健胃燥脾也 實鑑小便不利有二不可一禁
而論若津液偏滲於腸胃大便泄瀉而小便澀

小便不通

八準繩六

五九

少也宜分利而已若熱搏下焦津液則熱濕
而不行一也必滲泄則愈若脾胃氣滯不能通
調水道下輸膀胱而化者二也可順氣令施化
而出也東垣大法小便不通皆邪熱為病分
在氣在血而治少以渴與不渴而辨之如渴而
不利者熱在上焦肺分故也夫小便者是足太
陽膀胱經所生也肺合生水若肺熱不能生水
是絕其水之源經云虛則補其母宜清肺而滋
其化源故當從肺之分助其秋令水自生焉又

如雨如霧如霜皆從天而降下也且藥有氣之
薄者乃陽中之陰是感秋清肅殺之氣而生可
以補肺之不足淡味滲泄之藥是也茯苓澤瀉
琥珀燈心通草車前子木通瞿麥扁蓄之類以
清肺之氣泄其火滋水之上源也如不渴而小
便不通者熱在下焦血分故不渴而小便不通
也熱閉於下焦者腎也膀胱也乃陰中之陰陰
受熱邪閉塞其流易上老云寒在胸中過塞不
入熱在下焦填塞不便須用感北方寒水之化

氣味俱陰之藥以除其熱泄其閉塞內經云無
陽則陰無以生無陰則陽無以化若服淡滲之
藥其性乃陽中之陰非純陰之劑陽無以化何
以補重陰之不足也須用感地之水運而生天
苦之味感天之寒氣而生大寒之藥此氣味俱
陰乃陰中之陰也大寒之氣人感之生膀胱寒
水之運人感之生腎此藥能補腎與膀胱受陽
中之陽熱火之邪而閉其下焦使小便不通也
夫用大苦寒之藥治法當寒因熱用又云必伏

其所主而先其所因其始則氣同其終則氣異
也如熱在上焦以梔子黃芩熱在中焦以黃連
芍藥熱在下焦以黃蘗熱在氣分渴而小便
閉清肺散猪苓湯五苓散茯苓琥珀湯紅秫散
熱在血分不渴而小便閉滋腎丸黃連丸導
氣除燥湯東垣治一人病小便不利目睛突
出腹脹如鼓膝已上堅硬皮膚欲裂飲食不下
服甘淡滲泄之藥皆不効曰疾急矣非精思不
能處思之半夜曰吾得之矣經云膀胱者津液

之府必氣化而能出焉多服淡滲之藥而病益甚是氣不化也啓玄子云無陽則陰無以生無陰則陽無以化甘淡氣薄皆陽藥獨陽無陰欲化得乎遂以滋腎丸群陰之劑投服再服即愈一渴而腹冷水氣也金匱云小便不利者有水氣其人苦渴括萹瞿麥丸主之以小便利腹中溫爲度小便不通腹下痛狀如覆碗痛悶難忍者乃腸胃乾涸臆中氣不下經云膀胱者州都之官津液藏焉氣化則能出矣臆中者臣使

之官三焦相火腎爲氣海也王註曰膀胱津液之府胞內居之少腹處間毛內藏胞器若得氣海之氣施化則溲便注下氣海之氣不及則隱秘不通故不得便利也先用木香沉香各三錢酒調下或八正散甚則宜上湧之令氣通達便自通利經所謂病在下上取之王註曰熱攻於上不利於下氣盛於上則溫辛散之苦以利之一方煎橘紅茯苓湯調木香沉香末服之空心下丹溪云小便不通屬氣虛血虛有實熱痰

氣閉塞皆宜吐之以提其氣氣升則水自降蓋
氣承載其水者也氣虛用參朮升麻等先服後
吐或就參芪藥中調理吐之血虛用四物湯先
服後吐或就芎歸湯探吐之痰多二陳湯先服
後探吐之痰氣閉塞二陳加香附木通探吐之
實熱當利之或用八正散蓋大便動則小便自
通矣 或問以吐法通小便方論中未嘗有之
理將安在曰取其氣化而已何則內經謂二焦
者決瀆之官水道出焉膀胱者州都之官津液

藏焉氣化則能出矣故上中下三焦之氣有一
不化則不得如決瀆之水而出矣豈獨下焦膀
胱氣塞而已哉上焦肺者主行榮衛通調水道
下輸膀胱而腎之合足三焦下輸又上連肺此
豈非小便從上焦之氣化者乎張仲景有言衛
氣行則小便宣通其義亦在是矣內經又謂脾
病則九竅不通小便不利是其一也此豈非小
便從中焦之氣化者乎由是而言之三焦所傷
之邪不一氣之變化無窮故當隨處治邪行水

求其氣化亦無窮也然而大要在乎陰與陽無
相偏負然後氣得以化若方盛衰論曰至陰虛
天氣絕至陽盛地氣不足夫腎肝在下地道也
心肺在上天道也脾胃居中氣交之分也故天
之陽絕而不交於地者尚且白露不下況人同
乎天其在上之陽不交於陰則在下之陰無以
爲化而水道其能出乎東垣引八十一難經謂
有陰陽相乘有覆有溢而爲內關不得小便者
有或在下之陰虛在上之陽盛不務其德而乘

之致腎氣之不化者必瀉其陽而舉之則陰可
得而平也若此條所敘之證皆用吐法蓋因氣
道閉塞升降不前者而用耳何嘗捨衆法而獨
施是哉丹溪嘗曰吾以吐通小便譬如滴水之
器上竅閉則下竅無以自通必上竅開而下竅
之水出焉予嘗推是開竅之法用之多驗姑書
一二證以明之甲午秋治一婦人年五十初患
小便澀醫以八正散等劑展轉小便不通身如
芒刺加於體予以所感霖淫雨濕邪尚在表因

用蒼木爲君附子佐之發其表一服卽溼小便
卽時便通又治馬參政父年八旬初患小便短
澀因服藥分利太過遂致閉塞涓滴不出予以
飲食太過傷其胃氣陷於下焦用補中益氣湯
一服小便通因先多利藥損其腎氣遂致通後
遺尿一夜不止急補其腎然後已凡醫之治是
證未有不用泄利之劑者安能顧其腎氣之虛
哉表而出之以爲世戒 有瘀血而小便閉者
宜多用牛膝本事方云頃在毘陵有一貴官妻

妻小便不通臍腹脹痛不可忍衆醫皆作淋治
如入正散之類數種皆治不通病愈甚予診之
曰此血瘀也非膜眩藥不可去乃用桃仁煎初
服至日午大痛不可忍卧少頃下血塊如拳者
數枚小便如黑荳汁一二升痛止得愈此藥猛
峻氣虛血弱者宜斟酌之 大抵小腹脹如
覆碗者爲實亦分在氣在血氣壅塞於下者木
香流氣飲血汚於下者桃仁煎代抵當丸牛膝
膏 經云腎合膀胱膀胱者津液之府也 腸

屬腎腎上連肺故將兩藏三焦者中瀆之府也
水液出焉是屬膀胱乃腎之府也又云膀胱者
州都之官津液藏焉氣化則能出矣由是言之
膀胱藏水三焦出水治小便不利故刺灸法但
取三焦穴不取膀胱也小腸屬腎肺故東垣用
清肺飲子滋腎丸利小便也 運氣小便不利
有三 其一屬濕邪攻三焦經云太陰在泉濕
淫所勝病小腹痛腫不得小便又云水不及曰
涸流涸流之紀上宮與正宮同其病癰閉是也

其二屬風邪攻脾經云厥陰司天風淫所勝
病澹瘠泄水閉是也 其三屬燥熱經云陽明
司天之政天氣急地氣明民病癰閉初之氣其
病小便黃赤甚則淋又云少陰司天之政地氣
肅天氣明二之氣其病淋是也 良法治小便
不通諸藥不効或轉胞至死危困用猪尿胞一
箇底頭出一小眼子翎筒通過放在眼兒內根
底以細線繫定翎筒子口細杖子堵定上用黃
蠟封尿胞口吹滿氣七分繫定子再用手捻定

小便不通

卷之六

六六

翎筒根頭放了黃蠟塞其翎筒在小便出裏頭
放開翎筒根頭手捻其氣透於裏小便即出神
効

妊娠小便不通

妊娠胎滿逼胞多致小便不

利若胞系了戾小便不通名曰轉胞丹溪以為
多因胎婦虛弱憂悶性躁食味厚古方用滑利
疎導藥鮮効若將為胎所墜而不通但升舉其
胎胞系疎而小便自行若臍腹作脹而小便淋
瀝此脾胃氣虛胎壓尿胞四物二陳參朮空心

服後探吐數次自安薛氏云前證亦有脾肺氣
虛不能下輸膀胱者亦有氣熱鬱結膀胱津液
不利者亦有金為火燥脾土濕熱甚而不利者
更當詳審施治金匱要畧問曰婦人病飲食
如故煩熱不得卧而反倚息者何也師曰此名
轉胞不得溺也以胞系子戾故致此病但利小
便則愈宜腎氣丸主之即八味丸酒下十五
丸至二十九日再服
又云妊娠有水氣重身小便不利灑淅惡寒起
卽頭眩葵子茯苓散主之又云妊娠小便難

小便不通

金匱要畧

六七

飲食如故歸母苦參丸主之丹溪治一婦轉
胞小便閉脈似瀉重取則弦左稍和此得之憂
患瀉為血少氣多弦為有飲血少則胞不舉氣
多有飲中焦不清而溢則胞知所避而就下故
墜以四物湯加參朮半夏陳皮甘草生薑空心
飲隨以指探吐之俟氣定又與至八貼而安此
恐偶中後又治數人皆効又一婦四十一歲
孕九月轉胞小便閉脚腫形瘁脈左稍和而右
瀉此飽食氣傷胎系弱不能自舉而下墜壓着

膀胱偏在一邊氣急為其所閉所以水竅不能
出也宜補血養氣氣血既正胎系自舉則不下
墜方有安之理遂用人參當歸身尾白芍藥白
朮陳皮灸甘草半夏生薑煎湯濃與四貼次早
以查煎頓服探吐之小便即通皆黑水後就此
方加大腹皮枳殼青葱葉砂仁二十貼與之而
得以安產一孕婦小便不通脈細弱乃氣血
俱虛胎壓膀胱下口用補藥升起恐遲反加急
滿冷穩婆以香油抹手入產戶托起其胎溺出

如注却以參芪升麻大劑服之一法將孕婦倒
豎起胎自運溺自出勝手托遠矣

產後小便不通 舊方用陳皮去白為末空心

酒調二錢外用鹽填臍中却以葱白剝去麤皮

十餘根作一縛切作一指厚安鹽土用大艾炷

滿葱餅上以火灸之覺熱氣入腹內即時便通

按此唯氣壅不得通者宜之若氣虛源涸與

夫熱結者不可泥也

淋 胞痺

淋之為病嘗觀病源候論謂由腎虛而膀胱熱
也膀胱與腎為表裏俱主水水入小腸與胞行
於陰為溲便也若飲食不節喜怒不時虛實不
調藏府不和致腎虛而膀胱熱腎虛則小便數
膀胱熱則水下澀數而且澇則淋瀝不宣故謂
之淋其狀小腹弦急痛引於臍小便出少氣數
及分石淋勞淋血淋氣淋膏淋冷淋其石淋者
有如沙石勞淋者勞倦即發血淋者心主血氣

淋 佳 六

通小腸熱甚則搏於血脈血得熱則流行入胞
中與溲俱下膏淋者肥液若脂膏又名肉淋氣
淋者胞內氣脹小腹堅滿出少喜數尿有餘瀝
冷淋者冷氣客於下焦邪正交爭滿於胞內水
道不宜先寒戰然後便數成淋可謂悉病情矣
考之內經則淋病之因又不止此大綱有二曰
濕曰熱謂太陰作初氣病中熱脹脾受積濕之
氣小便黃赤甚則淋少陽作二氣風火鬱於上
而熱其病淋蓋五藏六府十二經脈氣皆相通

移是故足太陽主表上行則統諸陽之氣下行
則入膀胱又肺者通調水道下輸膀胱脾胃消
化水穀或在表在上在中凡有熱則水液皆熱
轉輸下之然後膀胱得之而熱矣且小腸是心
之府主熱者也其水必自小腸滲入膀胱胞中
諸熱應於心者其小腸必熱胞受其熱經絡胞
移熱於膀胱者則癰瀉血是也由此而言初起
之熱邪不一其因皆得傳於膀胱而成淋若不
先治其所起之本止從末流胞中之熱施治未

爲善也予嘗思之淋病必由熱甚生濕濕生則水液渾凝結而爲淋不獨此也更有入服金石藥者入房太甚敗精流入胞中及飲食痰積滲入者則皆成淋丹溪嘗治一小兒在胎受久服金石藥之餘毒病淋一十五年以紫雪治愈凡治病不求其本可乎小便澀痛常急欲溺及去點滴莖中痛不可忍者此五淋病生料五苓散加阿膠或車前子末或五苓散益元散等分和服並可吞火府丹佐以導赤散石葦散若

熱極成淋服藥不効者宜減桂五苓散加木通滑石燈心瞿麥各少許仍研麥門冬草連根車前草白龍草各自然汁和蜜水調下氣淋氣壅不通小便淋結臍下妨悶疼痛瞿麥湯石葦散榆枝湯木香流氣飲氣虛淋八物湯加杜牛膝黃芩汁煎服老人氣虛亦能淋參朮中加水通山梔血受傷者補血行血自愈勿作淋治死血作淋牛膝膏妙但虛人能損胃不宜食千金云用牛膝以酒煮服治小便淋痛肘

林

集解

七十一

後方用牛膝根莖葉亦以酒煮服治小便不利
莖中痛欲死及治婦人血結堅痛如神蓋牛膝
治淋之聖藥也但虛人當用補劑監制之耳
血淋用側柏葉生藕節車前草等分搗汁調益
元散立効散瞿麥散小薊飲子柿蒂散當歸湯
羚羊角飲雞蘇飲子金黃散髮灰散戴氏云
血淋一證須看血色分冷熱色鮮者心小腸實
熱色瘀者腎膀胱虛冷若的是冷淋及下元虛
冷血色瘀者並宜漢椒根剉碎不以多少白水

煎候冷進按血多有熱極兼冰化而黑凝者未
可便以為冷也膏淋鹿角霜丸沉香散沉香
丸磁石丸海金沙散兔絲丸戴云有似淋非
淋小便色如米泔或便中有如鼻涕之狀此乃
精溺俱出精寒溺道故便欲出不能而痛宜大
兔絲子丸鹿茸丸之類按此即膏淋也沙石
淋乃是膀胱蓄熱而成正如湯瓶久在火中底
結白碱而不能去理宜清徹積熱使水道通則
沙石出而可愈宜神效琥珀散如聖散石燕丸

淋

集解六

七十三

獨聖散 石首魚腦骨十箇火煨滑石二錢琥
珀三分俱為細末每服一錢空心煎木通湯調
下 龍甲九引者一箇酥炙令脆為細末每服
一匙酒調服當下沙石 雄鵲燒灰淋取汁飲
之石即下 石淋小便時沙石下流塞其水道
痛不可忍經及時且水道不通其氣上攻頭痛
面腫重則四肢八節俱腫其石大者如梅核堅
硬如有稜角其石小者唯碎石相結通下即碎
宜服此取石方用冬葵子滑石射干知母已上

各一分通草三分為細末每服二錢半水一盞
半苦竹葉十片同煎取一盞去滓食前熱服又
大府熱頭痛若體氣壯健先進後方藥兩三盞
然後進取石方用麻黃去節羌活射干荆芥穗
紫苑防風知母蔓荊子牽牛各一分半夏二錢
為細末每服二錢水一盞煎九分去滓食後熱
服石淋導水用螻蛄七枚以鹽一兩同於新
瓦上鋪蓋焙乾研為細末每服一錢七溫酒調
服勞淋地黃丸黃芪湯白芍藥丸 冷淋肉
林

茯苓丸澤瀉散沉香散檳榔散生附散戴氏云
進冷劑愈甚者此是冷淋宜地髓湯下附子八
味丸有因服五苓散等藥不効用生料鹿茸丸
却愈此皆下元虛冷之故乃劉河間則謂亦由
熱客膀胱鬱結不能滲泄非真冷也小便淋
莖中痛不可忍相引脇下痛宜參苓琥珀湯
有小便艱澀如淋不痛而痒者虛證也宜八味
丸生料鹿茸丸之類若因思慮過度致淋宜歸
脾湯或辰砂妙香散吞威喜丸或妙香散和五

苓散汗多而小便赤澀暑月多有此證盛暑
所飲既多小便反澀少而赤緣上停為飲外發
為汗津液不通小腸澀閉則水不運下五苓散
一名導逆內有木桂收汗猪苓澤瀉茯苓分水
道收其在外者使之內又從而利導焉發者斂
之壅者通之義取於此然有虛勞汗多而赤澀
者却是五內枯燥滋腴既法不能生津故溺澀
而赤不宜過用通小便之劑竭其腎水唯當溫
養潤肺十全大補湯養榮湯之類自足選用汗

淋

八桂

七十四

者心液心主血血榮則心得所養汗止津生不待通而溺自清矣諸失精血及患癰毒人或有小便赤澀之證此亦是枯竭不潤之故並宜前法

胞痺

痺論云小腹膀胱按之內痛若沃以湯澀於小便上為清涕夫膀胱者州都之官津液藏焉氣化則能出矣今風寒濕邪氣客於胞中則氣不能化出故胞滿而水道不通其證小腹膀胱按之內痛若沃以湯澀於小便以足太陽

經其直行者上交巔入絡腦下灌鼻竅則為清涕也 腎著湯 茯苓丸 巴戟丸 腎瀝湯

姪娠淋

乃腎與膀胱虛熱不能制水然姪婦胞繫於腎腎間虛熱而成斯證甚者心煩悶亂名曰子淋也若頸項筋攣語澀痰甚用羚羊角散若小便澹少淋瀝用安榮散若肝經濕熱用龍膽瀉肝湯若肝經虛熱用加味逍遙散腿足轉筋而小便不利急用八味丸緩則不救若服燥劑而小便頻數或不利用生地

茯苓牛膝黃蘗知母芍歸甘草若頻數而色黃用四物加黃蘗知母五味麥門玄參若肺氣虛而短少用補中益氣加山藥麥門若陰挺痿痺而頻數用地黃丸若熱結膀胱而不利用五淋散若脾肺燥不能化生宜黃芩清肺飲若膀胱陰虛陽無所生用滋腎丸若膀胱陽虛陰無所化用腎氣丸

產後淋

因熱客於膀胱則頻數熱則澀痛氣虛兼熱血入胞中則血隨小便出而為血淋也

若膀胱虛熱用六味丸若陰虛而陽無以化用滋陰腎氣丸蓋土生金金生水當滋化源陳氏云治產前後淋其法不同產前當安胎產後當去血瞿麥蒲黃最為產後要藥茅根湯主治產後諸淋

診

腎脉滑實為癰瘻痺脉滑甚為癰瘻

少陰脉數婦人則陰中生瘡男子則氣淋盛大而實者生虛小而澀者死下焦氣血乾者死鼻頭色黃者小便難素問奇病論病有

淋

三六

三六

